

# Mahathir seru semua kerajaan adakan agenda kesanggupan bertindak

UM 18 AUG 1981

KUALA LUMPUR, 17 Ogos — Datuk Sri Dr. Mahathir hari ini menyeru diadakan satu agenda tindakan dan kesanggupan bertindak oleh semua kerajaan dan masyarakat dunia terhadap bidang-bidang pembangunan dan masalah-masalah yang dikenal pasti oleh agensi-agensinya antarabangsa dan rantau.

Beliau berkata seminar-seminar dan persidangan-persidangan di peringkat kebangsaan, rantau dan antarabangsa telah diadakan dan berbagai penyelidikan telah dijalankan di bidang-bidang perkembangan dan masalah-masalah yang dikenal pasti.

"Apa yang perlu sekarang ialah satu agenda bagi tindakan dan kesanggupan untuk bertindak bukan sahaja oleh kerajaan berjiwa kebangsaan, tetapi juga oleh masyarakat dunia," katanya.

Perdana Menteri berkata demikian semasa melancarkan Pusat Perkembangan Bangsa-Bangsa Bersatu bagi Asia dan Pasifik (APDC) berharga \$6.05 juta di Persiaran Duta di sini. APDC ialah hasil integrasi empat institusi serantau dahulu bagi perkembangan, penyelidikan dan latihan.

Datuk Sri Dr. Mahathir berkata kerja-kerja awal pusat tersebut akan ditumpukan di bidang tenaga keselamatan makanan, sumber-sumber manusia dan wanita dalam pembangunan — perkara-perkara yang mempunyai kepentingan kepada negara-negara di rantau Asia dan Pasifik.

Beliau berkata: "Kita tidak lagi boleh mengabaikan kebanyakan dari masalah kita hari ini sebagai cuma untuk negara-negara atau rantau tertentu."

"Masa depan kemak-

muran sesebuah negara sangat bergantung kepada negara-negara lain sama seperti masalah atau kemungkinan kemusnahan sesebuah negara adalah juga bergantung kepada negara-negara lain".

Beliau menekankan bahawa penggantungan antara satu dengan lain hendaklah dianggap sebagai satu faedah bagi kebaikan dan kemakmuran bagi semua pihak dan bukan sebagai peluang dan rangka bagi memeralat oleh negara-negara yang lebih kuat.

Beliau juga berkata matlamat utama APDC ialah untuk mempefkuhkan institusi-institusi penyelidikan dan latihan pembangunan kebangsaan dan berkata penyertaan institusi-institusi kebangsaan dalam

aktiviti-aktiviti APDC boleh menjadi rancangan penting bagi mencapai matlamat ini.

Bagaimanapun pusat tersebut dan institusi-institusi kebangsaan katanya hendaklah memberi perhatian bagi memastikan bahawa pendekatan ini akan memperhebatkan lagi peranan dan kesan institusi kebangsaan di negara masing-masing.

"Dengan itu hanyalah sesuai bagi saya menyebut perkara ini oleh kerana ada kemungkinan peranan institusi-institusi kebangsaan ditingkatkan kepada lebih menyokong institusi-institusi antarabangsa selain dari menyokong antara satu dengan lain.

"Saya percaya bahawa bagi perkembangan peranan menyokong antara satu dengan lain, pusat ini hendaklah memberi perhatian yang cukup kepada keperluan

dan kehendak institusi-institusi kebangsaan untuk mempertingkatkan keupayaan mereka," katanya.

Datuk Sri Dr. Mahathir berkata, negara-negara yang sedang membangun kurang dari segi penyelidikan yang berorientasikan perkembangan oleh kerana beberapa sebab seperti kekurangan institusi penyelidikan kebangsaan, kekurangan

pengalaman dan para penyelidik tempatan yang cekap dan kekurangan galakan serta suasana untuk penyelidikan.

"Banyak negara membangun dengan itu menjadi tumpuan perhatian penyelidik-penyelidik asing, terutama sekali para pelajar yang sedang membuat penyelidikan bagi ijazah sarjana dan kedoktoran mereka atau yang mempunyai tujuan yang boleh dipersoalkan apabila mereka cuba untuk membuktikan bahawa negara-negara yang sedang membangun memang tidak berupaya untuk menghadapi pembangunan" katanya.